



UNIVERSITÄTS-
BIBLIOTHEK
PADERBORN

Universitätsbibliothek Paderborn

Conciliorvm Omnivm Generalivm Et Provincialivm Collectio Regia

Ab anno DLXXVII. ad annum DXC.

Parisiis, 1644

Epistola IV. Gregorii Papae I. Ad Theodolindam Reginam Longobardorvm.
De Synodo Calchedonensi, & Constantio episcopo.

urn:nbn:de:hbz:466:1-15221

AD THEODOLINDAM REGINAM LONGOBARDORVM.

De Synodo Calchedonenſi, & Constantio epiſcopo.

Gregorius Theodolindæ reginæ Longobardorum.

QVORVMDAM ad nos relatione peruenit ab aliquibus epiſcopis gloriam veſtram vſque ad hoc ſcandalum contra ſanctam eccleſiam fuiſſe perductam, vt ſeſe a catholicæ vnanimitatis communionem ſuſpenderet. Quod quantum vos pure diligimus, tantum de vobis fortius dolemus, quia vos imperitis ſtultisque hominibus creditis, qui non ſolum ea quæ loquuntur neſciunt, ſed vix ea percipere quæ audierint poſſunt. Dicunt enim piæ memoriæ Iuſtiniani temporibus aliqua contra Calchedonenſem Synodum fuiſſe conſtituta: qui dum neque legunt, neque legentibus credunt, in ipſo errore manent, quem ſibi de nobis ipſi finxerunt. Nos enim, teſte conſcientia, fatemur de fide eiufdem ſancti Calchedonenſis Concilii, nihil motum, nihil eſſe violatum: ſed quidquid prædicti Iuſtiniani temporibus actum eſt, ita actum eſt, vt fides Calchedonenſis Concilii in nullo vexaretur. Si quis autem contra eiufdem Synodi fidem aliquid loqui præſumit vel ſapere, nos eius ſenſum ſub anathematis interpoſitione detestamur. Cum ergo integritatem noſtram ex conſcientiæ noſtræ atteſtatione cognoscitis, ſupereſt vt nunquam vos a catholicæ eccleſiæ communionem ſeparetis, ne tot veſtræ lacrymæ, tantaque bona opera pereant, ſi a fide vera inueniuntur aliena. Decet ergo gloriam veſtram ad reuerendiſſimum fratrem & coepiſcopum meum Constantium, cuius & fides & vita bene olim mihi approbata eſt, ſub omni celeritate tranſmittere, eique directis veſtris epiſtolis indicare, ordinationem eius quam benigne ſuſcepiftis, & quia ab eius eccleſiæ communionem in nullo ſeparamini. Quamuis in hac re me vobis ſuperflue dicere arbitror: quia etſi quid in veſtro animo dubietatis fuit, veniente filio meo Ioanne abbate, atque Hippolyto notario ex corde veſtro arbitror fuiſſe ſublato.